



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<24>> փետրվարի 2022թ.

Ո Ր Ո Շ ՈՒ Մ No. 3251-1 Ա

ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Սամվել Տեր-Պողոսյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտանատար անձի կողմից կազմվող արձանագրության՝ ֆիզիկական անձ Սամվել Տեր-Պողոսյանի (<ՎՀՀ՝ 49752291, ՀԾՀ՝ 530321492, հասցե՝ ք. Արմավիր, Թումանյան փող. 36) չկատարված հարկային պարտավորությունը 07.09.2021 թվականի դրությամբ կազմել է 211.200 դրամ, որից հարկ՝ 200.000 դրամ, տույժ՝ 11.200 դրամ, որն առաջացել է ֆիզիկական անձի կողմից 2020թ. ընթացքում սեփականություն հանդիսացող թեթև մարդատար ավտոմեքենայի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձվելու վերաբերյալ 19.11.2021 թվականին կայացվել է թիվ 3251-Ա որոշումը:

Համաձայն ՀՀ ոստիկանության <<Ճանապարհային ոստիկանություն>> ծառայության կողմից ստացված օտարված տրանսպորտային միջոցների վերաբերյալ տեղեկությունների ֆիզիկական անձի կողմից 13.07.2020թ. օտարվել է 13.02.2020թ. ձեռք բերված MERCEDES-BENZ G500 մոդելի 2014թ. արտադրության 388 ձիաուժ հզորությամբ տրանսպորտային միջոցը, որը համաձայն Օրենսգրքի 147-րդ հոդվածի 1-ին մասի 16-րդ կետի /մինչև 29.06.2019թ. գործող խմբագրությամբ/ համարվում է եկամտային հարկով հարկվող գործարք: Օրենսգրքի 140-րդ հոդվածի համաձայն ֆիզիկական անձը հանդիսանում է եկամտային հարկ վճարող: ՀՀ հարկային օրենսգրքի 150 հոդվածի 1-ին մասի 10-րդ կետի համաձայն (ուժի մեջ է 29.06.2019թ.-ից) 2018 թվականի հուլիսի 1-ից հետո ավտոմեքենայի օտարման գործարքների մասով եկամտային հարկը հաշվարկվում է 1 տոկոս դրույքաչափով, բայց ոչ պակաս, քան ձեռնարկատիրական գործունեության առարկա համարվող գույքի շարժիչի յուրաքանչյուր ձիաուժ հզորության համար 150 դրամից: Օրենսգրքի 147-րդ հոդվածի <<բ>> ենթակետի համաձայն՝ 29.06.2019թ.-ից գործող խմբագրությամբ ձեռնարկատիրական գործունեության առարկա համարվող գույքի օտարում է համարվում



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am

ավտոմեքենայի օտարումը, եթե ավտոմեքենան օտարվում է ձեռք բերելուց հետո՝ 365 օրվա ընթացքում:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ որոշումը կայացնելուց լեռն ֆիզիկական անձի կողմից ներկայացվել է համապատասխան հաշվարկը, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա կայացված թիվ 3251-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Սամվել Տեր-Պողոսյանի վերաբերյալ ՀՀ ՊԵԿ իրավաբանական վարչության պետի կողմից 19.11.2021 թվականին կայացված չկատարված հարկային պարտավորությունները գանձելու մասին թիվ 3251-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄԱՅԱԿԱՆՅԱՆ

Կատ.՝ ԻՎ ՀԳ և ՊԿԱ բաժնի
գլխավոր մասնագետ Անի Ենոքյան
Հեռ. 010309191 /91-27/



ՅԵՔԱՄԱԿԱՆ
ԵԿԱՄՈՒՏԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am